

34-765 (1)

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

毛詩鄭箋卷之十八

大雅

哈佛大學哈佛藏書館珍藏印

周卜商子夏序

漢趙人毛萇傳

北海鄭玄箋

明甬東屠本峻纂疏補協江都陸弼欵程應衢校

蕩之什詁訓傳第二十五

蕩召穆公傷周室大壞也厲王無道天下蕩蕩無綱

紀文章故作是詩也

蕩蕩上帝下民之辟

辟音壁注全

上帝以託君王也辟君也箋蕩蕩法度廢壞之貌厲王乃以此居人上為天下之君言其無可則象之甚

疾威上帝其命多辟

辟音避

疾病人矣威罪人矣箋疾病人者重賦歛也威罪人者峻刑法也其政教又多邪僻不由舊章

天生烝民其命匪謏靡不有初鮮克有終

補協湛音忱又市隆

切終諸淡切又如字

謏誠也箋烝衆鮮寡克能也天之生此衆民其教道之非當以誠信使之忠厚乎今則不然民始皆庶幾於善道後更化於惡俗

文王曰咨咨汝殷商曾是疆禦曾是掎克曾是位

曾是服

女音汝下全補協服蒲比反

咨嗟也疆禦疆梁禦善也掎克自伐而好勝人也服服政事也箋厲王弭謗穆公朝廷之臣不敢斥言王之惡故上陳文王咨嗟殷紂以切刺之女曾任用是惡人使之處位執職事也

天降怡德女與是力

怡音洵

天君怡慢也箋厲王施倨慢之化女羣臣又相與而力爲之言競於惡

文王曰咨咨女殷商而秉義類疆禦多對流言以對

寇攘式內

對直類反攘如羊切

對遂也箋義之言宜也類善式用也女執事之臣

宜用善人反任疆禦衆懟爲惡者皆流言謗毀賢者王若問之則又以對寇盜攘竊爲姦宄者而王信之使用事於內

侯作侯祝靡屆靡究

作則慮反祝音呪

作祝詛也屆極究窮也箋侯維也王與羣臣乖爭而相疑且祝詛求其凶咎無極也

文王曰咨咨女殷商女包佻于中國歛怨以爲德魚休猶彭亨也箋包佻自矜氣健之貌歛聚羣不逞作怨之人謂之有德而任用之

不明爾德時無背無側

背無臣側無人也箋無臣無人謂賢者不用

爾德不明以無陪無卿

無陪貳也無卿士也

文王曰咨咨女殷商天不洎爾以酒不義從式

洎而善切

補協式吏切

義宜也箋式法也天不同女顏色以酒有沈湎於酒者是乃過也不宜從而法行之

既愆爾止靡明靡晦式號式呼俾晝作夜

呼火故切補協夜羊

茹切

使晝爲夜也箋愆過也女既過沈湎矣又不爲明

晦無有止息也醉則號呼相徬用晝日作夜不視政事

文王曰咨咨女殷商如蜩如蟥如沸如羹蜩蟥音條唐補協羹

盧當切

蜩蟥也蟥蜾也箋飲酒號呼之聲如蜩蟥之鳴其笑語沓沓又如湯之沸羹之方熟纂疏蜾蟥屬草木疏云一名切螻青徐謂之蜾蟥楚人名之螻蛄秦燕謂之蜾蛄或名之蜾蛄郭璞云俗呼為胡蟬江南謂之蟥蛄正義曰釋蟲云蜩蜾蟥舍人曰皆蟬也方語不全三輔以西為蜩梁宋以東謂蜩

為蜾楚地謂之螻蛄

小大近喪人尚乎由行喪平聲補協行叶杭

言居人上欲用行是道也箋殷紂之時君臣失道如此且喪亾矣時人化之甚尚欲從而行之不知其非

內爨于中國罩及鬼方爨皮器反又音備罩都南切

爨怒也不醉而怒曰爨鬼方遠方也箋此言時人伏於惡雖有不醉猶好怒也呼報切

文王曰咨咨女殷商匪上帝不時殷不用舊補協時上止切

舊巨切

已切

箋此言紂之亂非其生不得其時乃不用先王之
故法之所致

雖無老成人尚有典刑

箋老成人謂若伊尹伊陟臣扈之屬雖無此臣猶
有常事故法可案用也

且是莫聽大命以傾

補協聽
湯經切

箋莫無也朝廷君臣皆任喜怒曾無用典刑治事
者以至誅滅

文王曰咨咨女殷商人亦有言顛沛之揭枝葉未有

害本實先撥

補協揭去例紀竭二反害瑕憇
許曷二反撥方吠筆烈二反

顛仆

蒲北反
又赴音

沛拔也揭見根貌箋揭蹶貌撥猶絕

也言大木揭然將蹶枝葉未有折傷其根本實先
絕乃相隨俱顛拔喻紂之官職雖俱存紂誅亦皆
歿

殷鑒不遠在夏后之世

補協世如字
又私列反

箋此言殷之明鏡不遠也近在夏后之世謂湯誅
桀也後武王誅紂今之王者何以不用為戒

蕩八章章八句

抑衛武公刺厲王亦以自警也

箋自警者如彼泉流無淪胥以亾

抑抑威儀維德之隅人亦有言靡哲不愚

抑抑密也隅廉也靡哲不愚國有道則知國無道則愚箋人密審於威儀抑抑然是其德必嚴正也古之賢者道行心平可外占而知內如宮室之制內有繩直則外有廉隅今王政暴虐賢者皆佯愚不為容貌如不肖然

庶人之愚亦職維疾哲人之愚亦維斯戾

補協疾集二反

職主戾罪也箋庶衆也衆人性無知以愚為主言是其常也賢者而為愚畏懼於罪也

無競維人四方其訓之有覺德行四國順之

行下孟切

無競競也訓教覺直也箋競疆也人君為政無疆於得賢人得賢人則天下教化於其俗有大德行則天下順從其政言在上所以倡道

訐謨定命遠猶辰告

訐況于切補協告古得反

訐大謨謀猶道辰時也箋猶圖也大謀定命謂正月始和布政于邦國都鄙也為天下遠圖庶事而以歲時告施之

敬慎威儀維民之則

箋則法也

其在于今與迷亂于政顛覆厥德荒湛于酒

補協今日叶經

政曰叶征酒
曰叶子小切

箋于今謂今厲王也興猶尊尚也王尊尚小人迷
亂於政事者以傾敗其功德荒廢其政事又湛樂
于酒言愛小人之甚

女雖湛樂從弗念厥紹罔敷求先王克其明刑

樂音洛補

協紹曰叶子小切共九
勇切刑曰叶胡光切

紹繼其執刑法也箋罔無也女君臣雖好樂嗜酒
而相從不當念繼女之後人將倣女所為無廣索
先王之道與能執法度之人乎切責之也

補協峻
按此章

曰雖有此叶而揚太史云詳此
詩與尚書辭命不全不必強叶

肆皇天弗尚如彼泉流無淪胥以亾

補協尚
平聲

淪率也箋肆故今也胥皆也王為政如是故今皇
天不高尚之所謂仍下災異也王自絕於天如泉
水之流稍就虛竭無自率引為惡皆與之以亾戒
羣臣不中行者將并誅之

夙興夜寐洒埽庭內維民之章

洒灑章表也箋章文章法度也厲王之時不恤政
事故戒羣臣掌事者以此也

修爾車馬弓矢戎兵用戒戎作用邊蠻方

補協兵補
光反邊

他歷
切

詩經卷之十六
六十一
茲鑿室

邊遠也箋邊當作剔剔治也蠻方蠻畿之外也此時中國微弱故復戒將率之臣以治軍實女當用此備兵事之起用此治九州之外不服者

質爾人民謹爾侯度用戒不虞補協虞元具切

質成也不虞非度待洛反下全也箋侯君也此時萬民

失職亦不肯趨公事故又戒鄉邑之大夫及邦國

之君平女萬民之事慎女為君之法度用備不億

度而至之事

慎爾出話敬爾威儀無不柔嘉補協儀牛何切嘉居何切

話善言也箋言謂政令也柔安嘉善也

自圭之玷尚可磨也斯言之玷不可為也補協為吾禾切

玷缺也箋斯此也玉之缺尚可磨鑢而平人君政

教一失誰能反覆之

無易由言無曰苟矣莫捫朕舌言不可逝矣易以鼓切捫音

門補協曰苟矣曰云此二句不用韻逝音制與舌叶峻案此曰叶之矣也蓋苟矣逝矣二矣字自為韻何

以當叶不叶不當叶反叶耶

莫無捫持也箋由於逝往也女無輕易於教令無

曰苟且如是今人無持我舌者而自聽咨也教令

一往行於下其過誤可得而已之乎

無言不讐無德不報惠于朋友庶民小子補協讐言市又切報蒲

救切友叶以
子獎里切

讐用也箋惠順也教令之出如賣物物善則其售
賈貴物惡則其售賈賤德加於民民則以義報之
王又當施順道於諸侯下及庶民之子弟
子孫繩繩萬民靡不承

箋繩繩戒也王之子孫敬戒行王之教令天下之
民不承順之乎言承順也

視爾友君子輯柔爾顏不遐有愆

輯音集補協顏叶
魚堅切愆平聲

輯和也箋柔安遐遠也今視女諸侯及卿大夫皆
脅身諂笑以和安女顏色是於正道不遠有罪過

乎言其近也

相在爾室尚不愧于屋漏無曰不顯莫予云覲

相息
亮切

西北隅謂之屋漏覲見也箋相助顯明也諸侯卿
大夫助祭在女宗廟之室尚無肅敬之心不慚愧
於屋漏有神見人之爲也女無謂是幽昧不明無
見我者神見女矣屋小帳也漏隱也禮祭於奧既
畢改設饌於西北隅扉隱之處此祭之末也

神之格思不可度思矧可射思

補協格剛洛切度
待洛切射戈灼切

格至也箋矧况射厭也神之來至去止不可度知
况可於祭末而有厭倦乎

辟爾為德俾臧俾嘉淑慎爾止不愆于儀不僭不賊
鮮不為則
補協嘉居之居何二反儀如字又牛何切鮮上聲

女為善則民為善矣止至也為人君止於仁為人
臣止於敬為人子止於孝為人父止於慈與國人
交止於信僭差也箋辟法也止容止也當審法度
女之施德使之為民臣所善所美又當善慎女之
容止不可過差於威儀女所行不僭不殘賊者少
矣其不為人所法
投我以棗報之以李

箋此言善往則善來人無行而不得其報也投猶

擲也

彼童而角實虹小子

虹戶工切補協子獎里切

童羊之無角者也而角自用也虹潰也箋童羊譬
皇后也而角者喻與政事有所害也此人實潰亂
小子之政禮天子未除喪稱小子

荏染柔木言緝之絲溫溫恭人維德之基

荏音任補協絲曰叶

新夷切然古韻雖爾案絲自通基不必叶矣

緝被也溫溫寬柔也箋柔忍之木荏染然人則被
之弦以為弓寬柔之人溫溫然則能為德之基止
言內有其性乃可以為德也

其維哲人告之話言順德之行其維愚人覆謂我僭

民各有心補協言如字又叶間人叶然又如字僭心尋反

話言古之善言也箋覆猶反也僭不信也語賢智之人以善言則順行之告愚人反謂我不信民各有心二者竟不同

於乎小子未知臧否匪手攜之言示之事匪面命之

言提其耳於乎音烏呼下全補協子獎里切否音鄙事上止反

箋臧善也於乎傷王不知善否我非但以手攜掣之親示以其事之是非我非但對面語之親提撕其耳此言以教道之熟不可啓覺

借曰未知亦既抱子補協子獎里切

借假也箋假令人云王尚幼小未有所知亦已抱子長大矣不幼小也

民之靡盈誰夙知而莫成莫音暮

莫晚也箋萬民之意皆持不滿於王誰早有所知而反晚成與音餘言王之無成本無知故也

昊天孔昭我生靡樂視爾夢夢我心慘慘補協昭叶灼樂音

洛夢音蒙補協慘七各切

夢夢亂也慘慘憂不樂也箋孔甚昭明也昊天乎乃甚明察我生無可樂也視王之意夢夢然我心

之憂悶慘慘然愬其自恣不用忠臣

誨爾諄諄聽我藐藐匪用為教覆用為虐

諄之純反 藐美角反

補協教

叶覺

藐藐然不入也箋我教告王口語諄諄然王聽聆

之烈貌然忽略不用我所言為政令反謂之有妨

害於事不受忠言

借曰未知亦聿既耄

耄莫報切

耄老也

於乎小子告爾舊止聽用我謀庶無大悔

補協悔 虎委切

箋舊久也止辭也庶幸悔恨也

天方艱難曰喪厥國

補協國 于逼切

箋天以王為惡如是故出艱難之事謂下災異生

兵寇將以滅王

取譬不遠昊天不忒回適其德俾民大棘

適音 聿

箋今我為王取譬喻不及遠也維近耳王當如昊

天之德有常不差忒也王反為無常維邪其行為

貪暴使民之財匱盡而大困急

抑十二章三章章八句九章章十句

桑柔芮伯刺厲王也

箋芮伯畿內諸侯王卿士也字良夫

蕤彼桑柔其下侯旬將采其劉瘼此下民

蕤立音鬱將力活反瘼

立音莫

興也蕤茂貌旬言陰均也劉爆爍而希也瘼病也
箋桑之柔濡其葉蕤然茂盛謂蠶始生時也人庇
陰其下者均得其所及已將采之則葉爆爍而疏
人息其下則病於爆爍興者喻民當被王之恩惠
羣臣恣放損王之德

不殄心憂倉兄填兮

倉兄音愴况注全填音塵

倉喪也兄滋也填久也箋殄絕也民心之憂無絕
已喪凶之道滋久長

倬彼昊天寧不我矜

補協天叶神

昊天斥王者也箋倬明大貌昊天乃倬然明大而
不矜哀下民怨愬之言

四牡騤騤旃旒旒有翩亂生不夷靡國不泯

補協翩此寶切泯彌

鄰切按騤夷黎哀隔句一韻翻民虛頓隔句一韻

騤騤不息也鳥隼曰旃龜蛇曰旒翩翩在路不息
也夷平泯滅也箋軍旅久出征伐而亂日生不平
無國而不見殘滅也言王之用兵不得其所適長
寇虐

民靡有黎具禍以燼

補協燼咨辛切

黎齊也箋黎不齊也具猶俱也災餘曰燼言時君無有不齊被兵寇之害者俱遇此禍以為燼者言害所及廣

於乎有哀國步斯頻

補協於乎音烏呼哀叶依

步行頻急也箋頻猶止也哀哉國家之政行此禍害比比然

國步蔑資天不我將靡所止疑云徂何往

補協將子兩切疑原

音魚乞反今叶如字按資疑維階隔句一韻將往競梗隔句一韻

疑定也箋蔑猶輕也將猶養也徂行也國家為政行此輕蔑民之資用是天不養我也我從兵役無

有止息時今復云行當何之往也

君子實維秉心無競誰生厲階至今為梗

補協競其兩切階居

奚天切梗古黨黑切

競疆厲惡梗病也箋君子謂諸侯及卿大夫也其執心不疆於善而好以力爭誰始生此禍者乃至今日相梗不止

憂心慙慙念我土宇我生不辰逢天憚怒自西徂東

靡所定處

殷於中切憚都但切補協怒暖五切東叶丁按慙辰東瘠隔句一韻宇怒處圍隔句

為一韻

宇居憚厚也箋辰時也此士卒從軍久勞苦自傷

之言

多我覲瘠孔棘我圉

補音為瘠音昏日可民

圉垂也箋瘠病也圉當作禦多矣我之遇困病甚

急矣我之禦寇之事

為謀為愆亂況斯削

愆音秘日叶必非也按古韻原無叶必者彼徒見首章隔句用

韻故亦強叶之何向哉二章五章故此

愆慎也箋女為軍旅之謀為重慎兵事也而亂滋

甚於此日見侵削言其所任非賢

告爾憂恤誨爾序爵誰能執執逝不以濯

濯所以救熱也禮亦所以救亂也箋恤亦憂也逝

猶去也我語女以憂天下之憂教女以次序賢能

之爵其為之當如手持熱物之用濯謂治國之道

當用賢者

其何能淑載胥及溺

補協溺奴學反

箋淑善胥相及與也女若云此於政事何能善乎

則女君臣皆相與陷溺於禍難

如彼遡風亦孔之僂民有肅心莽云不逮好是稼穡

力民代食

遡音素僂音愛補協風日叶乎音切古韻雖有此叶然不若如字讀莽音耕切

愬鄉

音向 僂吧

鳥合切 莽使也力民代食代無功者食

天祿也箋肅進逮及也今王之為政見之使人吧

然如鄉疾風不能息也王爲政民有進於善道之心當任用之反却退之使不及門但好任用是居家吝嗇於聚斂作力之人令代賢者處位食祿明王之法能治人者食於人不能治人者食於人禮記曰與其有聚斂之臣寧有盜臣聚斂之臣害民盜臣害財

稼穡維寶代食維好

箋此言王不尚賢但貴嗇吝之人與愛代食者而已

天降喪亂滅我立王降此蝨賊稼穡卒痒

蝨莫大疾切痒音羊

箋滅盡也蝨食苗根曰蝨食節曰賊耕種曰稼收斂曰穡卒盡痒病也天下喪亂國家之災以窮盡我王所恃而立者謂蝨孽爲害五穀盡病

哀恫中國具贅卒荒靡有旅力以念穹蒼

恫音通贅之芮反

贅屬荒虛也穹蒼蒼天箋恫痛也哀痛乎中國之人皆見係屬於兵役家家空虛朝廷曾無有同力諫諍念天所爲下此災

維此惠君民人所瞻秉心宣猶考慎其相

補協瞻側姜切相平

聲

相質也箋惠順宣徧猶謀慎戒相助也維至德順

民之君為百姓所瞻仰者乃執正心舉事徧謀於
眾又考誠其輔相之行然後用之言擇賢之審

維彼不順自獨俾臧自有肺腸俾民卒狂

箋臧善也彼不施順道之君自多足獨謂賢言其

所任之臣皆善人也不復考慎自有肺腸行其心

中之所欲乃使民盡迷惑如狂是又不宣猶

瞻彼中林牲牲其鹿朋友已譖不胥以穀

牲所中切
補協譖如

字曰叶子
林切非

牲牲眾多也箋譖不信也胥相也以猶與也穀善

也視彼林中其鹿相輦耦行牲牲然眾多今朝廷

羣臣皆相欺背不相與以善道言其鹿之不如

人亦有言進退維谷

谷窮也箋前無明君却迫罪役故窮也

維此聖人瞻言百里維彼愚人覆狂以喜

瞻言百里遠慮也箋聖人所視而言者百里言見

事遠而王不用有愚闇之人為工言其事淺且近

耳王反迷惑信用之而喜

匪言不能胡斯畏忌

補協忌
巨已切

箋胡之言何也賢者見此事之是非非不能分別

阜白言之於王也然不言之何也此畏懼犯顏得

罪罰

維此良人弗求弗迪維彼忍心是顧是復

補協迪徒沃反

迪進也箋良善也國有善人王不求索不進用之有忍為惡之心者王反顧念而重復之言其忽賢者而愛小人

民之貪亂寧為荼毒

箋貪猶欲也天下之民苦王之政欲其亂亾故安為苦毒之行相侵暴慍恚使之然

大風有隧有空大谷

隧音遂

隧道也箋西風謂之大風大風之行有所從而來

必從大空谷之中喻賢愚之所行各由其性

維此良人作為式穀維彼不順征以中垢

補協垢中六反

中垢言闇冥也箋作起式用征行也賢者在朝則用其善道不順之人則行闇冥受性於天不可變也

大風有隧貪人敗類聽言則對誦言如醉

類善也箋類等夷也對答也貪惡之人見道聽之言則應答之見誦詩書之言則冥卧如醉居上位而行此人或效之

匪用其良覆俾我悖

覆反也箋居上位而不用善反使我為悖逆之行
是形其敗類之驗

嗟爾朋友予豈不知而作如彼飛蟲時亦弋獲補協獲胡

反郭

箋嗟爾朋友者親而切磋之也而猶女也我豈不
知女所行者惡與直知之女所行如是猶鳥飛行
自恣東西南北時亦為弋射者所得言放縱久無
所拘制則將遇伺女之間者得誅女音汝上全也

既之陰女反予來赫陰于鳩切女音汝補協赫黑各切

赫炙也箋之往也口距人謂之赫我恐女見弋獲

既往覆陰女謂啓告之以患難也女反赫我出言

悖怒不受忠告音谷

民之罔極職涼善背補協背必黑三反

涼薄也箋職主諒信也民之行失其中者主由為
政者信用小人互相欺違

為民不利如云不克

箋克勝也為政者害民如恐不得其勝言至酷也

民之回遘職競用力

箋競逐也言民之行維邪者主由為政者遂用疆
力相尚故也言民愁困用生多端

民之未戾職盜為寇

戾定也箋為政者主作盜賊為寇害令民動搖不安定也

涼曰不可覆背善言

箋善猶大也我諫止之以信言女所行者不可反背我而大言言距已諫之甚

雖曰匪予既作爾歌

補協曰日本云此章叶韻未詳

箋予我也女雖觝距已言此政非我所為我已作女所行之歌女當受之而改悔

桑柔十六章八章章八句八章章六句

雲漢仍叔美宣王也宣王承厲王之烈內有撥亂之志遇裁而懼側身修行欲銷去之天下喜於王化復行百姓見憂故作是詩也

箋仍叔周大夫也春秋魯桓公五年夏天王使仍叔之子來聘烈餘也

倬彼雲漢昭回于天

補協天鐵因切

回轉也箋雲漢謂天河也昭光也倬然天河水氣也精光轉運於天時旱渴雨故宣王夜仰視天河望其候焉纂疏正義曰此雲漢與大東天漢為一故云天河也昭光釋詁文河圖括地象云

河精上爲天漢是天河河水光之精氣也

王曰於乎何辜今之人天降喪亂饑饉薦臻於乎音烏呼聲

息亮切

薦重臻至也箋辜罪也王憂旱而嗟歎云何罪於今時天下之人天仍下旱災凶亂之道饑饉之害復重至也

靡神不舉靡愛斯牲圭璧既卒寧莫我聽補協牲桑經切聽吐

切丁

箋靡莫皆無也言王爲旱之故求於羣神無不祭也無所愛於三牲禮神之圭璧又已盡矣曾無聽

聆戎之精神而興雲雨纂跡正義曰求於羣神無所不至卽下經所陳上天下地從郊至宮之類也

大司徒以荒年十有二聚萬民其有一曰索鬼神

注云荒凶年也鮑司農云索鬼神者求廢祀而修

之雲漢之詩所謂靡神不舉靡愛斯牲是也下傳

亦云國有凶荒則索鬼神而祭之是遭遇天災必

當廣祭羣神神皆用牲祭之故言靡愛斯牲徧祈

羣神所祭者廣天地五帝當用特牲其餘諸神或

用太牢或用少牢三牲皆用故言無所愛於三牲

也祭神又用玉器春官大宗伯以玉作六器以禮

天地四方以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方典瑞云四圭有邸以祀天兩圭有邸以祀地裸圭有瓚以祀先王圭璧以祀日月星辰璋邸射以祀山川皆是祭神所用故云禮神之圭璧已盡矣禮神之圭器自有多名言圭璧爲其總稱以三牲用不可盡故言無愛圭璧少而易竭故言旣盡

旱旣大甚蘊隆蟲蟲

大音泰下全

蘊蘊而暑隆隆而雷蟲蟲而熱箋隆隆而雷非雨

雷也雷聲尚殷殷

於謹切然

不殄禋祀自郊徂宮上下奠瘞靡神不宗

瘞於例反

上祭天下祭地奠其禮瘞其物宗尊也國有凶荒則索鬼神而祭之箋宮宗廟也爲旱故潔祀不絕從郊而至宗廟奠瘞天地之神無不齊肅而尊敬之言徧至也

后稷不克上帝不臨耗斃下土寧丁我躬

補協臨力中切斃

丁故反

丁當也箋克當作刻刻識也斃敗也奠瘞羣神而不得雨是我先祖后稷不識知我之所困與天不視我之精誠與猶以旱耗敗天下爲害曾使當我

之身有此乎先后稷後上帝亦從宮之郊

旱既大甚則不可推兢兢業業如霆如雷周餘黎民

靡有孑遺補協推吐雷反遺夷回切下全

推去也兢兢恐也業業危也孑然遺失也箋黎衆

也旱既不可移去天下困於饑饉皆心勤意懼兢

兢兢然業業然狀有如雷霆近發於上周之衆民多

有歿亾者矣幸其餘無有孑遺者言又餓病也

昊天上帝則不我遺胡不相畏先祖于摧補協摧在雷切

摧至也箋摧當作噍噍嗟也天將遂旱餓殺我與

先祖何不助我恐懼使天雨也先祖之神吁嗟乎

告困之辭

旱既大甚則不可沮赫赫炎炎云我無所大命近止

靡瞻靡顧沮在呂切補協顧果五切

沮止也赫赫旱氣也炎炎熱氣也大命近止民近

歿亾也箋旱既不可却止熱氣大盛人皆不堪言

我無所庇陰處衆民之命近將歿亾天曾無所視

無所顧於此國中而哀閔之

羣公先正則不我助父母先祖胡寧忍予補協助牀所切予演

女切

先正百辟卿士也先祖文武爲民父母也箋百辟

卿士雩祀所及者今曾無肯助我憂旱先祖文武
又何爲施忍於我不使天雨

早既大甚滌滌山川旱魃爲虐如暎如焚我心憚暑

憂心如熏滌徒歷反補協川樞倫切 魃蒲未反暎音談補協焚符均切

滌滌旱氣也山無木川無水魃旱神也暎燎之也

憚勞熏灼也箋憚猶畏也早既害于山川矣其氣

生魃而害益甚草木焦枯如見焚燎然王心又畏

難此熱氣如灼爛於火言熱氣至極纂疏神異經

曰南方有人長二三尺袒身而目在頂上走行如

風名曰魃所見之國大旱赤地千里一名旱毋遇

者得之投溷中卽死旱災消

羣公先正則不我聞昊天上帝寧俾我遜補協聞微

切勻箋不我聞者忽然不聽我之所言也天曾將使我

心遜遜慙愧於天下以無德也

早既大甚黽勉畏去胡寧瘼我以旱憊不知其故彌

忍反瘼 都田反

箋瘼病也黽勉急禱請也欲使所尤畏者去所尤

畏者魃也天何曾病我以旱曾不知爲政所失而

致此害

傷 詩 卷之八 二 二

祈年孔夙方社不莫昊天上帝則不我虞敬恭明神

宜無悔怒莫音暮補協虞元具元切怒乃路反

悔恨也箋虞度也我祈豐年甚早祭四方與社又不晚天曾不度知我心肅事明神如是明神宜不恨怒於我我何由常遭此旱也

早既大甚散無友紀鞫哉庶正疚哉豕宰趣馬師氏

膳夫左右補協宰獎里切右羽已切

歲凶年穀不登則趣馬不秣師氏弛其兵馳道不除祭事不縣膳夫徹膳左右布而不修大夫不食梁士飲酒不樂箋人君以羣臣為友散無其紀者

凶年祿餼不足人無賞賜也鞫窮也庶正眾官之長也疚病也窮哉病哉者念此諸臣勤於事而困於食以此言勞倦也

靡人不周無不能止

周救也無不能止言無止不能也箋周當作調王以諸臣困於食人人調給之權救其急後日乏無不能豫止

瞻卬昊天云如何里

箋里憂也王愁悶於不雨但仰天曰當如我之憂何

瞻印昊天有嘒其星大夫君子昭假無羸大命近止
無葉爾成假音恪
羸立日盈

嘒衆星貌假至也箋假升也王仰天見衆星順天
而行嘒嘒然意感故謂其卿大夫曰天之光耀升
行不休無自羸緩之時今衆民之命近將歿亾勉
之助我無棄女之成功者若其在職復無幾何以
勸之也

何求爲我以戾庶正

爲于偽切補
協正音征

戾定也箋使女無棄成功者何但求爲我身乎乃
欲以安定衆官之長憂其職事

瞻印昊天曷惠其寧

箋曷何也王仰天曰當何時順我之求令我心安
乎渴雨之至也得雨則心安

雲漢八章章十句

崧

息中反

高尹吉甫美宣王也天下復平能建國親諸

侯褒賞申伯焉

箋尹吉甫申伯皆周之卿士也尹官氏申國名

崧高維嶽駿極于天維嶽降神生甫及申

補協天
叶神

崧高貌山大而高曰崧嶽四嶽也東嶽岱南嶽衡
西嶽華北嶽恒堯之時姜氏爲四伯掌四嶽之祀

述諸侯之職於周則有甫有申有齊有許也駿大
極至也嶽降神靈和氣以生申甫之大功箋降下
也四嶽卿士之官掌四時者也因主方嶽巡守之
事在堯時姜姓爲之德當嶽神之意而福與其子
孫歷虞夏商世有國土周之甫也申也齊也許也
皆其苗胄

維申及甫維周之翰四國于蕃四方于宣

切

翰音寒補
協蕃分適

翰幹也箋申申伯也甫甫侯也皆以賢知入爲周
之楨幹之臣四國有難則往扞禦之爲之蕃屏四

方恩澤不至則往宣暢之甫侯相穆王訓夏贖刑
美此俱出四嶽故連言之

亶亶申伯王纘之事于邑于謝南國是式

補協式
失吏反

謝周之南國也箋亶亶勉也纘繼于往于於法式
也亶亶然勉於德不倦之臣有申伯以賢入爲王
之卿士佐王有功王又欲使繼其故諸侯之事往
作邑於謝南方之國皆統理施其法度時改大其
邑使爲侯伯故云然

王命召伯定申伯之宅登是南邦世執其功

補協伯
逋莫切

宅達各切那如字又悲
功切功切叶光又如字

為將遣之

王遣申伯路車乘馬我圖爾居莫如南土

補協馬
滿補切

乘馬四馬也箋王以正禮遣申伯之國故復有車馬之賜因告之曰我謀女之所處無如南土之最善

錫爾介圭以作爾寶

補協寶
叶補

寶瑞也箋圭長尺二寸謂之介非諸侯之圭故以為寶諸侯之瑞圭自九寸而下

往近王舅南土是保

近音記按說文從辵從斤俗從斤誤補協保叶補

近已也申伯宣王之舅也箋近辭也聲如彼記之

子之記保守也安也

申伯信邁王餞于郟

餞賤淺反
郟音眉

郟地名箋邁行也申伯之意不欲離王室王告語之復重於是意解而信行餞送行飲酒也時王盖省岐周故于郟云

申伯還南謝于誠歸

箋還南者北就王命于岐周而還反也謝于誠歸誠歸于謝

天命召伯徹申伯土疆以峙其棖式遄其行

疆居良
切峙直

紀切棖音張
補協行叶抗

箋棖糧式用過速也王使召公治申伯土界之所
至峙其糧者令廬市有止宿之委積用是速申伯
之行

申伯番番既入于謝徒御嘽嘽

補協番分遄切
嘽吐丹切

番番勇武貌諸侯有大功則賜虎賁徒御嘽嘽徒
行者御車者嘽嘽喜樂也箋申伯之貌有威武番
番然其入謝國車徒之行嘽嘽安舒言得禮也禮
入國不馳

周邦咸喜戎有良翰

翰音
寒

箋周徧也戎猶女也翰幹也申伯入謝徧邦內皆

喜曰女乎有善君也相慶之言

不顯申伯王之元舅文武是憲

補協憲
虛言切

不顯申伯顯矣申伯也文武是憲言有文有武也

箋憲表也言為文武之表式

申伯之德柔惠且直操此萬邦聞于四國

操汝又切
聞音問補

協國于
通切

箋操順也四國猶言四方也

吉甫作誦其詩孔碩其風肆好以贈申伯

吉甫尹吉甫也作是工師之誦也肆長也贈增也

箋碩大也吉甫為此誦也言其詩之意甚美大風

諷音切申伯又使之長行善道以此贈申伯者送之
令以為樂

崧高八章章八句

烝民尹吉甫美宣王也任賢使能周室中興焉

天生烝民有物有則民之秉彜好是懿德

烝衆物事則法彜常懿美也箋秉執也天之生衆
民其性有物象謂五行仁義禮智信也其情有所
法謂喜怒哀樂好惡也然而民所執持有常道莫
不好有美德之人

天監有周昭假于下保茲天子生仲山甫

假音格補
協下叶戶

仲山甫樊侯也箋監視假至也天視周王之政教
其光明乃至于下謂及衆民也天安愛此天子宣
王故生樊侯仲山甫使佐之言天亦好是懿德也
書曰天聰明自我民聰明

仲山甫之德柔嘉維則令儀令色小心翼翼

箋嘉美令善也善威儀善顏色容貌翼翼然恭敬

古訓是式威儀是力天子是若明命使賦

補協曰云
叶韻若賦

未詳

古故訓道若順賦布也箋故訓先王之遺典也式
法也力猶勤也勤威儀者恪居官次不解于位也

是順從行其所為也顯明王之政教使羣臣施布

之補協按明命使賦別本作明命使職注云毛本作賦非也或然

王命仲山甫式是百辟纘戎祖考王躬是保補協辟音壁曰

云無韻未詳

戎大也箋戎猶女也躬身也王曰女施行法度於

是百君繼女先祖先父始見命者之功德王身是

安使盡心力於王室補協王躬是保別本作王躬是佛音彌注云毛本作保非

也或然按別本辭必力反

出納王命王之喉舌賦政于外四方爰發補協發方月反

喉舌冢宰也箋出王命者王口所自言承而施之

也納王命者時之所宜復於王也其行之也皆奉

順其意如王口喉舌親所言也以布政於畿外天

下諸侯於是莫不發應

肅肅王命仲山甫將之邦國若否仲山甫明之否音鄙補

協明叶芒

將行也箋肅肅敬也言王之政教甚嚴敬也仲山

甫則能奉行之若順也順否猶臧否謂善惡也

既明且哲以保其身夙夜匪解以事一人

箋夙早夜莫音暮匪非也一人斥天子

人亦有言柔則茹之剛則吐之茹音汝吐上聲

箋柔猶濡毳也剛堅強也剛柔之在口或茹之或吐之喻人之於敵疆弱

維仲山甫柔亦不茹剛亦不吐不侮矜寡不畏疆禦

矜音官補協
寡古御上聲

人亦有言德輶如毛民鮮克舉之我儀圖之

補協圖
動五切

儀宜也箋輶輕儀匹也人之言云德甚輕然而衆人寡能獨舉之以行者言政事易耳而人不能行者無其志也我與倫匹圖之而未能為也我吉甫自我也

維仲山甫舉之愛莫助之

補協助
淋舉切

愛隱也箋愛惜也仲山甫能獨舉此德而行之惜乎莫能助之者多仲山甫之德歸功言耳

衮職有闕維仲山甫補之

有衮冕者君之上服也仲山甫補之善補過也箋衮職者不敢斥王之言也王之職有闕輒能補之者仲山甫也

仲山甫出祖四牡業業征夫捷捷每懷靡及

補協捷
在接切

及極
業切

言述職也業業言高大也捷捷言樂事也箋祖者將行祀軼之祭也懷私為每懷仲山甫祀軼而將

行車馬業業然動衆征夫捷捷然至仲山甫則戒
之日既受君命當速行每人懷其私而相稽留將
無所及於事

四牡彭彭八鸞鏘鏘王命仲山甫城彼東方

補協上鋪郎切

及極羊切

東方齊也古者諸侯之居逼隘則王者遷其邑而
定其居盖去薄姑而遷於臨菑也箋彭彭行貌鏘
鏘鳴聲以此車馬命仲山甫使行言其盛也

四牡騤騤八鸞喈喈仲山甫徂齊式遄其歸

騤求龜切補協

騤居奚夫切

騤騤猶彭彭也喈喈猶鏘鏘也遄疾也言周之望

仲山甫也箋望之故欲其用是疾歸

吉甫作誦穆如清風仲山甫永懷以慰其心

補協誦口不叶

今叶牆容切風日叶孚惜切今如字心日如字今日思容切

清微之風化養萬物者也箋穆和也吉甫作此工

歌之誦其調和人之性如清風長養萬物然仲山

甫述職多所思而勞故述其美以慰安其心

補協按誦

之叶牆容心之叶思容者蓋並見古韻初非強叶日以風叶字惜者古韻亦有之彼徒見心字故以

風就心耳終不若今叶之為妙也

烝民八章章八句

韓奕尹吉甫美宣王也能錫命諸侯

箋梁山於韓國之山最高大為國之鎮所望祀焉故美大其貌奕奕然謂之韓奕也梁山今在馮翊夏陽西北韓姬姓之國也後為晉所滅故大夫韓氏以為邑名焉幽王九年王室始騷鄭桓公問於史伯曰周衰其孰興乎對曰武實昭文之功文之祚盡武其嗣乎武王之子應韓不在其晉乎

奕奕梁山維禹甸之有倬其道韓侯受命

補協曰云道與下考

叫峻按命與下命叶矣

奕奕大也甸治也禹治梁山除水災宣王平大亂

命諸侯有倬其道有倬然之道者也受命受命為侯伯也箋梁山之野堯時俱遭洪水禹甸之者決除其災使成平田定貢賦於天子周有厲王之亂天下失職今有倬然著明復禹之功者韓侯受王命為侯伯

王親命之纘我祖考無廢朕命夙夜匪解虔共爾位

補協解曰叶訖力切以就易為一韻
峻今以懈位為一韻易辟為一韻

戎大虔固共執也箋戎猶女也朕我也古之恭字

或作共

音恭

朕命不易榦不庭方以佐戎辟

補協易異亦二音辟避壁二音

庭直也箋我之所命者勿改易不行當為不直違失法度之方作楨榦而正之以佐助女君女君王自謂也

四牡奕奕孔修且張韓侯入覲以其介圭入覲于王修長張大覲見也箋諸侯秋見天子曰覲韓侯乘長大之四牡奕奕然以時覲於宣王覲於宣王而奉享禮貢國所出之寶善其尊宣王以常職來也書曰黑水西河其貢璆琳琅玕此覲乃受命先言受命者顯其美也

王錫韓侯淑旂綏章簟茀錯衡玄衮赤舄鈎膺鏤錫

鞞鞞淺幘倅革金厄

補協衡戶郎反 鏤音漏錫音羊鞞若郭反鞞苦弘反幘莫歷

反倅音革補協厄於栗反

淑善也交龍為旂綏大綏也錯衡文衡也鏤錫有金鏤其錫也鞞革也鞞軾中也淺虎皮淺毛也幘覆式也厄烏蠲也箋王為韓侯以常職來朝享之故故多錫以厚之善旂旂之善色者也綏所引以登車有采章也簟茀漆簟以為車蔽今之藩也鈎膺樊纓也眉上曰錫刻金飾之今當盧也倅革謂轡也以金為小環往往纏搯之

韓侯出祖出宿于屠顯父餞之清酒百壺

父音甫

屠地名也顯父有顯德者也箋祖將去而祀軼也
既覲而反國必祖者尊其所往去則如始行焉祖
於國外畢乃出宿示行不留於是也顯父周之公
卿也餞送之故有酒

其殽維何包鼈鮮魚其藪維何維筍及蒲其贈維何

乘馬路車

包白交切
藪音速

藪菜殽也筍竹也蒲蒲蕩也箋包鼈以火熟之也
鮮魚中膾者也筍竹萌也蒲淡蒲也贈送也王既
使顯父餞之又使送以車馬所以贈厚意也人君
之車曰路車所駕之馬曰乘馬纂疏正義曰藪者

菜茹之總名釋器云菜謂之藪 筍竹萌釋草云
孫炎曰竹初萌生謂之筍蒲淡蒲謂蒲蕩入水深
醢人注云深蒲蒲始生水中是也陸璣疏云筍竹
萌也皆四月生唯巴竹筍八月九月生始出地長
數寸鬻以苦酒豉汁浸之可以就酒及食蒲始生
取其中心入地蕞大如七柄正白生噉之甘脆鬻
而以苦酒浸之如食筍法

邊豆有且侯氏燕胥

且子
餘切

箋且多貌胥皆也諸侯在京師未去者於顯父餞
之時皆來相與燕其邊豆且然榮其多也

韓侯取妻汾王之甥蹶父之子

取娶同補協子曰叶獎里切今叶慈按曰

以子就止里今以子就妻亦韻之宜非強叶也若依日叶則止里得矣於妻字何以處之乎下止里當別一韻

汾大也蹶父卿士也箋汾王厲王也厲王流于彘

彘在汾水之上故時人因以號之猶言苦郊公黎

比公也姊妹之子為甥王之甥卿士之子言尊貴

也

韓侯迎止于蹶之里百兩彭彭八鸞鏘鏘不顯其光

補協彭鋪郎切鏘七羊切

里邑也箋于蹶之里蹶父之里百兩百乘不顯顯

也光猶榮也氣有榮光也

諸娣從之祁祁如雲韓侯顧之爛其盈門

補協門曰叶眉貧切

按門自可通雲不必改音

祁祁徐靚也如雲言衆多也諸侯一取九女二國

媵之諸娣衆妾也顧之曲顧道義也箋媵者必娣

姪從之獨言娣者舉其貴者爛爛粲然鮮明且衆

多之貌

蹶父孔武靡國不到為韓姑相攸莫如韓樂

為于偽切姑其

一反相息亮切補協樂力告切

姑蹶父姓也箋相視攸所也蹶父甚武健為王使

使所於天下國國皆至為其女韓侯夫人媾氏視

其所居韓國最樂

孔樂韓土川澤訐訐魴鱖南南麀鹿嘒嘒有熊有羆

有貓有虎

訐况甫切鱖音序嘒愚甫切貓苗茅二音

訐訐大也甫甫然大也嘒嘒然衆也貓似虎淺毛

者也箋甚樂矣韓之國土也川澤寬大衆魚禽獸

備有言饒富也

慶既令居韓媾燕譽

補協居斤御斤於反譽羊茹羊諸反

箋慶善也蹶父既善韓之國土使韓媾嫁焉而居

之韓媾則安之盡其婦道有顯譽

溥彼韓城燕師所完

補協完曰不叶按古韻中有一音城今隔句一韻完蠻隔句一

韻曰不此讀峻讀之如此

師衆也箋溥大燕安也大矣彼韓國之城乃古平

安時衆民之所築完

以先祖受命因時百蠻王錫韓侯其追其貊奄受北

國因以其伯

補協命叶各蠻彌鄰切貊武伯反

韓侯之先祖武王之子也因時百蠻長是蠻服之

百國也追貊戎狄國也奄撫也箋韓侯先祖有功

德者受先王之命封為韓侯居韓城為侯伯其州

界外接蠻服因見使時節百蠻貢獻之往來後君

微弱用失其業今王以韓侯先祖之事如是而韓侯賢故於入覲使復其先祖之舊職賜之蠻服追貊之戎狄令撫柔其所受王畿北面之國因以其先祖侯伯之事盡予之皆美其爲人子孫能興復先祖之功其後追也貊也爲獫狁所逼稍稍東遷實墉實壑實畝實籍

實墉實壑言高其城深其壑也箋實當作寔趙魏之東實寔同聲寔是也籍稅也韓侯之先祖微弱所受之國多滅絕今復舊職興滅國繼絕世故築治是城濬修是壑井牧是田畝收斂是賦稅使如

故常

獻其貔皮赤豹黃羆

貔音毗

貔猛獸也追貊之國來貢而侯伯總領之纂䟽正義曰釋獸云貔白狐其子穀郭璞曰一名執夷虎豹之屬陸璣䟽云貔似虎或曰似羆一名執夷一名白狐遼東人謂之白羆赤豹毛赤而文黑謂之赤豹毛白而文黑謂之白豹羆有黃羆有赤羆大於熊其脂如羆白而麤理不如熊白美也

韓奕六章章十二句

江漢尹吉甫美宣王也能興衰撥亂命召公平淮夷

箋召公召穆公也名虎

江漢浮浮武夫滔滔匪安匪遊淮夷來求

補協滔他矣切

浮浮衆強貌滔滔廣大貌淮夷東國在淮浦而夷

行也箋匪非也江漢之水合而東流浮浮然宣王

於是水上命將率遣士衆使循流而下滔滔然其

順王命而行非敢斯須自安也非敢斯須遊止也

主爲來求淮夷所處據至其境故言來

既出我車既設我旃匪安匪舒淮夷來鋪

鋪病也箋車戎車也鳥準曰旃兵至竟而期戰地

其日出戎車建旃又不自安不舒行者主爲來伐

討淮夷也據至戰地故又言來

江漢湯湯武夫泱泱經營四方告成于王

湯書羊切泱音光

泱泱武貌箋召公既受命伐淮夷服之復經營四

方之叛國從而伐之克勝則使傳遽告功於王

四方既平王國庶定時靡有爭王心載寧

補協定唐丁切爭留

反經

箋庶幸時是也載之言則也召公忠臣順於王命

此述其志也

江漢之潁王命召虎式辟四方徹我疆土匪疚匪棘

王國來極

潁音虎

蕩

詩經卷之六

四

玄德堂

召虎召穆公也箋濟水涯也式法疾病棘急極中也王於江漢之水上命召公使以王法征伐開辟四方治我疆界於天下非可以兵病害之也非可以兵急躁切之也使來於王國受政教之中正而已齊桓公經陳鄭之間及伐北戎則違此言者于疆于理至于南海補協海虎委切箋于往也于於也召公於有叛戾之國則往正其境界修其分理周行四方至於南海而功大成事終也

王命召虎來旬來宣文武受命召公維翰

翰音寒

旬徧也召公召康公也箋來勤也旬當作營宣徧也召康公名奭召虎之始祖也王命召虎女勤勞於經營四方勤勞於徧疆理衆國昔文王武王受命召康公爲之楨榦之臣以正天下爲虎之勤勞故述其祖之功以勸之

無曰予小子召公是似肇敏戎公用錫爾祉

補協子獎里切

似養里切

似嗣肇謀敏疾戎大公事也箋戎猶女也女無自滅損曰我小子耳女之所爲乃嗣女先祖召康公之功今謀女之事乃有敏德我用是故將賜女福

慶也王爲虎之志大謙故進之云爾

釐爾圭瓚秬鬯一卣告于文人

補協釐力之反瓚才旱反卣音酉曰本云

二句無韻未詳

釐賜也秬黑黍也鬯香草也築煮合而鬱之曰鬯

卣器也九命錫圭瓚秬鬯文人文德之人也箋秬

鬯黑黍酒也謂之鬯者芬香條鬯也王賜召虎以

鬯酒一罇使以祭其宗廟告其先祖諸有德美見

記者

錫山土田于周受命自召祖命

補協田曰叶他因切二命字曰叶彌并切

諸侯有大功德賜之名山土田附庸箋周岐周也

自用也宣王欲尊顯召虎故如岐周使虎受山川

土田之賜命用其祖召康公受封之禮岐周周之

所起爲其先祖之靈故就之

虎拜稽首天子萬年

補協年曰叶彌因切

箋拜稽首者受王命策書也臣受恩無可以報謝

者稱言使君壽考而已

補協別本釐爾圭瓚秬鬯一卣作秬鬯一卣釐爾圭

贊贊叶才田切祖命之命叶眠餘不必叶注云先儒不知其錯而以日年強與人叶非也或然俟知

者

虎拜稽首對揚王休作召公考天子萬壽明明天子

令聞不已矢其文德洽此四國

補協休虛久切考去九切壽殖酉切子獎

里切聞音問
國越逼切

對遂考成矢施也箋對答休美作為也虎既拜而
答王策命之時稱揚王之德美君臣之言宜相成
也王命召虎用召祖命故虎對王亦為召康公受
王命之時對成王命之辭謂如其所言也如其所
言者天子萬壽以下是也

江漢六章章八句

常武召穆公美宣王也有常德以立武事因以為戒
然

箋戒者王舒保作匪紹匪遊徐方釋騷

赫赫明明王命卿士南仲大祖大師皇父整我六師

以修我戎

補協土叶所大音
泰父音甫戎叶汝

赫赫然盛也明明然察也王命南仲於大祖皇甫
為大師箋南仲文王時武臣也顯著乎昭察乎宣
王之命卿士為大將也乃用其以南仲為大祖者
今大師皇父是也使之齊整六軍之眾治其兵甲
之事命將必本其祖者因有世功於是尤顯大師
者公兼官也

既敬既戒惠此南國

補協戒訖力
反國越逼反

箋敬之言警也警戒六軍之眾以惠淮浦之旁國

謂勅以無暴掠爲之害也每軍各有將中軍之將尊也

王謂尹氏命程伯休父左右陳行戒我師旅率彼淮浦省此徐土

父音甫陳行音陣杭

尹氏掌命卿士程伯休父始命爲大司馬浦涯也箋尹氏天子世大夫也率循也王使大夫尹氏策命程伯休父於軍將行治兵之時使其士衆左右陳列而勅戒之使循彼淮浦之旁省視徐國之土地叛逆者軍禮司馬掌其誓戒

不畱不處三事就緒

補協緒象呂反

誅其君弔其民爲之立三有事之臣箋緒業也王又使軍將豫告淮浦徐土之民云不久處於是也女三農之事皆就其業爲其驚怖先以言安之

赫赫業業有嚴天子王舒保作匪紹匪遊徐方釋騷

補協業且却切蘇戾切業與作一

嚴音儼補協曰騷韻遊與騷一韻

赫赫然盛也業業然動也嚴然而威舒徐也保安也匪紹匪遊不敢繼以敖遊也釋陳騷動也箋作行也紹緩也釋當作驛王之軍行其貌赫赫業業然有尊嚴於天子之威謂聞見者莫不憚之王舒安謂軍行三十里亦非解緩也亦非敖遊也徐國

傳遽之驛見之知王兵必克馳走以相恐動

震驚徐方如雷如霆徐方震驚

補協霆驚日不叶今以霆廷羊切驚叶姜

與方為一韻

箋震動也驛馳走相恐懼以震動徐國如雷霆之恐怖人然徐國則驚動而將服罪

王奮厥武如震如怒進厥虎臣闕如虓虎鋪敦淮漬

仍執醜虜

補協怒暖五切 闕呼檻切又音馘虓火交切鋪普吳切漬符云切

虎之自怒虓然漬涯仍就虜服也箋進前也敦當作屯醜衆也王奮揚其威武而震雷其聲而勃怒其色前其虎臣之將闕然如虎之怒陳屯其兵於

淮水大防之上以臨敵就執其衆之降服者也

截彼淮浦王師之所

截治也箋治淮之旁國有罪者就王師而斷之

王旅嘽嘽如飛如翰如江如漢如山之苞如川之流

嘽吐丹反補協翰漢日俱如字峻按翰今音寒漢今音難古韻並存原非強叶苞鋪鈎切

嘽嘽然盛也疾如飛摯如翰苞本也箋嘽嘽間暇有餘力之貌其行疾自發舉如鳥之飛也翰其中豪俊也江漢以喻盛大也山本以喻不可驚動也川流以喻不可禦也

絲絲翼翼不測不克濯征徐國

補協國越逼反

絲絲靚也翼翼敬也濯大也箋王兵安靚且皆敬其勢不可測度不可攻勝既服淮浦矣今又以大征徐國言必勝也

王猶允塞徐方既來

補協來訖力切

猶謀也箋猶尚允信也王重兵兵雖臨之尚守信自實滿兵未陳而徐國已來告服所謂善戰者不

陳

徐方既同天子之功四方既平除方來庭

來王庭也

徐方不回王曰還歸

還音旋補協歸曰叶古迥切按歸自與回通不必攻音

箋回猶違也還歸振旅也

常武六章章八句

瞻卬

音仰

凡伯刺幽王大壞也

箋凡伯天子大夫也春秋魯隱公七年冬天王使凡伯來聘

瞻卬昊天則不我惠孔填不寧降此大厲

填音塵下篇全

昊天斥王也填久厲惡也箋惠愛也仰視幽王為

政則不愛我下民甚久矣天下不安王乃下此大惡以敗亂之

邦靡有定士民其瘵蠹賊蠹疾靡有夷屆罪罟不收

靡有夷瘳

補協瘳側例切蟲音牟
屈居氣切瘳救留反

瘳病夷常也罪罟設罪以為罟瘳愈也箋屈極也

天下搔擾邦國無有安定者士卒與民皆勞病其

為殘酷痛病於民如蟲賊之害禾稼然為之無常

亦無止息時施刑罪以羅網天下而不收歛為之

亦無常無止息時此自王所下大惡

人有土田女反有之人有民人女覆奪之

補協有曰
酉由二反

奪曰徒活反女音汝有與收
日為一韻奪與說日為一韻

箋此言王削黜諸侯及卿大夫無罪者覆猶反也

此宜無罪女反收之彼宜有罪女覆說之

補協收日
殖酉殖由

二反說日音脫按日本自人
有土田至此八句為一章

收拘收也說赦也

哲夫成城哲婦傾城

哲知也箋哲謂多謀慮也城猶國也丈夫陽也陽

動故多謀慮則成國婦人陰也陰靜故多謀慮乃

亂國

補協日本第二有與第六收為一韻第四奪
與第八說為一韻而以兩城字另為一章之

首體裁虽奇亦強叶之過也峻今以
四之字為一韻而以兩城字為一韻

懿厥哲婦為梟為鴟

箋懿有所痛傷之聲也厥其也其幽王也梟鴟惡

聲之鳥喻褒姒之言無善

婦有長舌維厲之階亂匪降自天生自婦人匪教匪

誨時維婦寺補協階叶雞天叶神又如字人如字又叶然誨呼位切日本自哲夫成城至此

十句又一章

寺近也箋長舌喻多言語是王降大厲之階階所

由上下也今王之有此亂政非從天而下但從婦

人出耳又非有人教王為亂語王為惡者是惟近

愛婦人用其言故也

鞫人忮忒譖始竟背豈曰不極伊胡為慝忮之跋切補協背必

墨切

忮害忒變也箋鞫窮也譖不信也竟猶終也胡何

慝惡也婦人之長舌者多謀慮好窮屈人之語忮

害轉化其言無常始於不信終於背違人豈謂其

是不得中乎反云維我言何用為惡不信也

如賈三倍君子是識婦無公事休其蠶織

休息也婦人無與外政雖王后猶以蠶織為事古

者天子為藉千畝冕而朱紘躬秉耒諸侯為籍百畝冕而青紘

躬秉耒以事天地山川社稷蓋敬之至也天子諸侯必有公桑蠶室

近川而為之築宮仞有三尺棘牆而外閉之及大

昕之朝君皮弁素積卜三宮之夫人世婦之吉者

使入蠶於蠶室奉種浴于川桑于公桑風戾以食

之歲既單矣世婦卒蠶奉繭以示于君遂獻繭于夫人夫人曰此所以爲君服與遂副禘而受之少牢以禮之及良日后夫人纁三盆手遂布于三宮夫人世婦之吉者使纁遂朱綠之玄黃之以爲黼黻文章服既成矣君服之以祀先王先公敬之至也箋識知也賈物而有三倍之利者小人所宜知也君子反知之非其宜也今婦人休其蠶桑織紝之織而與朝廷之事其爲非宜亦猶是也孔子曰君子喻於義小人喻於利

天何以刺何神不富舍爾介狄維予胥忌

補協刺叶
物富方味

切舍
音捨

刺責富福狄遠忌怨也箋介甲也王之爲政既無過惡天何以責王見變異乎神何以不福王而有災害也王不念此而改修德乃舍女被甲夷狄來侵犯中國者反與我相怨謂其疾怨羣臣叛違也不弔不祥威儀不類人之云凶邦國殄瘁

類善殄盡瘁病也箋弔至也王之爲政德不至於天矣不能致徵祥於神矣威儀又不善於朝廷矣賢人皆言奔凶則天下邦國將盡困窮

天之降罔維其優矣人之云凶心之憂矣

優渥也箋優寬也天下羅罔以取有罪亦甚寬謂
但以災異譴告之不指加罰於其身疾王爲惡之
甚賢者奔亡則人心無不憂

天之降罔維其幾矣人之云亡心之悲矣

幾危也箋幾近也言災異譴告離人身近愚者不
能覺

感沸檻泉維其淡矣心之憂矣寧自今矣不自我先

不自我後

感沸音必弗檻胡覽
切補協後下五反

箋檻泉正出涌出也感沸出貌涌泉之源所由者
深喻已憂所從來久也惡政不先已不後已怪何

故正當之

藐藐昊天無不克鞏

補協鞏
叶古

藐藐大貌鞏固也箋藐藐美也王者有美德藐藐
然無不能自堅固於其位者微箴之也

無忝皇祖式救爾後

補協後
下五反

箋式用也後謂子孫也

瞻卬七章三章章十句四章章八句

召旻

音民

凡伯刺幽王大壞也旻閔也閔天下無如召

公之臣也

箋閔病也

吳天疾威天篤降喪瘕我饑饉民卒流亾瘕都田切補協喪音

箋天斥王也疾猶急也瘕病也病乎幽王之為政也急行暴雲之法厚下喪亂之教謂重賦稅也病國中以饑饉令民盡流移

我居圍卒荒

圍垂也箋荒虛也國中至邊竟以此故盡空虛

天降罪罟蟲賊內訌補協訌戶工切

訌瀆也箋訌爭訟相陷人之言也王施刑罪以羅網天下衆為殘酷之人雖外以害人又自內爭相

讒惡

昏椽靡共潰潰回逼實靖夷我邦椽丁角切共音恭補協邦悲工切

椽天椽也潰潰亂也靖謀夷平也箋昏椽皆奄人也昏其官名也椽椽毀陰者也王遠賢者而近任刑奄之人無肯共其職事者皆潰潰然維邪是行者皆謀夷滅王之國

臯臯訛訛曾不知其玷訛音紫補協玷丁檢切

臯臯頑不知道也訛訛窳不供事也箋玷缺也王政已大壞小人在位曾不知大道之缺

競競業業孔填不寧我位孔貶

貶隊也箋兢兢戒也業業危也天下之人戒懼危
怖甚久矣其不安也我王之位又甚隊矣言見侵
侮政教不行後大戎伐之而周與諸侯無異

如彼歲旱草不潰茂如彼棲苴

棲音西苴七如切

潰遂也苴水中浮草也箋潰茂之潰當作彙彙茂
貌王無恩惠於天下天下之人如旱歲之草皆枯
槁無潤澤如樹上之棲苴

我相此邦無不潰止

相息浪反補協曰本云叶韻未詳按潰止作潰且七七於反苴苴

為一韻或然
讀侯知者

箋潰亂也無不亂者言皆亂也春秋傳曰國亂曰

潰邑亂曰叛

維昔之富不如時

往者富仁賢今也富讒佞箋富福也時今時也

維今之疚不如茲

補協時茲一韻

今則病賢也箋茲此也此者此古昔明王

彼䟽斯裨胡不自替職兄斯引

補協曰本云叶韻未詳按別本裨薄味切

引以計切裨替引為一韻或然

彼宜食䟽今反食精裨替廢況茲也引長也箋䟽

麤也謂糲米也職主也彼賢者祿薄食麤而此昏

杯之黨反食精裨女小人耳何不自廢退使賢者

得進乃茲復主長此為亂之事乎責之也米之率
糲十糶九鑿八侍御七

池之竭矣不云自頻

頻厓也箋頻當作濱厓猶外也自由也池水之溢
由外灌焉今池竭人不言由外無益者與言由之
也喻王猶池也政之亂由外無賢臣益之

泉之竭矣不云自中

補協中
諸仍切

泉水從中以益者也箋泉者中水生則益淡水不
生則竭喻王猶泉也政之亂又由內無賢妃益之

溥斯害矣職兄斯弘不裁我躬

溥音普裁音災
補協躬姑弘切

箋溥猶徧也今時徧有此內外之害矣乃茲復主
大此為亂之事是不裁王之身乎責王也裁謂見

誅伐

昔先王受命有如召公日辟國百里今也日感國百

里

辟音
關

辟開感促也箋先王受命謂文王武王時也召公
召康公也言有如昔時賢臣多非獨召公也今今
幽王臣

於乎哀哉維今之人不尚有舊

於乎音烏呼補
協舊巨已切

箋哀哉哀其不高尚賢者尊任有舊德之臣將以

喪亾其國

召旻七章四章章五句三章章七句
蕩之什十一篇九十二章七百六十九句

毛詩鄭箋卷之十八

